

Lotiones crurum ex aqua calente.

Sanguifugæ venis eminentibus circa locum affectum applicabuntur, aut extremitati nasi.

Suppositoria fortia.

Ligaturæ dolorificæ fiant partium oppositarum, nec non earundem frictiones validæ.

Fomentationes quoque earundem partium ex decocto saluiæ, hyssopi, maioranæ, aliisque herbis capitalibus.

Sternutatorium ex pyrethro, pipere, castoreo, nigella, elleboro albo, succo maioranæ, betonicæ, cyclaminis.

Nasale vel errhinum ex staphisagria, nigella, hiera picra, succo iridis, pipere, aurea Alexandrina, elleboro, euphorbio, pyrethro, castoreo, cyclamine, sinapio, aqua maioranæ.

Aphlegmatismus ex mansu hyssopi, condisi, pyrethri, pipetis, staphisagriæ, glycyrrhiæ, mastices, vuarum passarum, maioranæ, pauco melle addito.

Gargarismus ex vino rubro, in quo decoquantur radices pyrethri, glycyrrhiæ, folia hyssopi, betonicæ, sinapium, melle rosato addito.

Summè conueniunt diuersiones omnes in dolore capitis, à quacumque tandem etiam foueatur causa. Magna tamen cum cautela gargarismatibus atque aphlegmatismis vtemur si pulmonum adsit affectus, aut si æger catarrho sit subiectus. A partibus autem propinquis incipiemus, & paulatim ad magis remotas transibimus.

*ROBORANTIBVS, resoluentibusque reliquias, intemperiemque relictam emendantibus.*

Diacuminum, aurea Alexandrina, diacastorium, theriaca, Mithridatum, cum aqua betonicæ.

Aromaticum rosatum, diacorum, pleresarconticum, diambra.

Diamuscum dulce & amarum.

A iij